

Ժողովուրդ

30 նոյեմբերի շաբաթ 2024
տպագրության ԺԳ տարի

167
(3017)

Թ. Երեւան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ԵՐԲ ԻՇԽԱՆՈՒԹՅՈՒՆԸ «ԿՈՏՐԵԼ»-Ը «ՇԻՆԵԼ» Է ՀԱՄԿԱՆՈՒՄ



Ռուսական կողմը ուղիղ քայլեր է անում հայերի դեմ պատժելով Հայաստանի իշխանություններին:

Հայաստանի իշխանությունները, երբ հակառակորդական հայտարարություններ են անում, չեն մտածում, որ իրավիճակը ուղիղ համեմատական կերպով ազդելու է Ռուսաստանի Դաշնությունում բնակվող կամ այնտեղ մեկնող հայերի համար:

Բանն այն է, որ «Ժողովուրդ» օրաթերթն ահագանգ է ստացել, որ «Ռեդ-Վինգս» ավիաընկերությունը երեկ՝ Միներալիե Վոդի-Երեւան թռիչքի ժամանակ, զգուշացրել է ուղևորներին, որ դեկտեմբերի 1-ից հայ ուղևորները դեպի Մոսկվա մեկնելիս ավելի խիստ կարգով են անցնելու ստուգումները: Նոյեմբերի 29-ի թռիչքի ժամանակ արդեն ուղևորներին ծանուցել են թռիչքից 3 ժամ շուտ գալ օդանավակայան, որպեսզի ստուգումները խիստ կարգով անցկացնեն:

Ըստ երեւոյթին, սա դիվանագիտական քայլ է՝ ՀՀ իշխանություններին խեղճացնելու համար: Իսկ պատճառը մեկն է՝ ՀԱՊԿ երկրների հանդիպմանը Նիկոլ Փաշինյանի ներկա չգտնվելը, հակառակորդական հայտարարությունները եւ ՀԱՊԿ-ի հետ հարաբերությունները սառեցնելը:

Իսկ Մոսկվան գիտի Հայաստանին սթափեցնելու ուղիղ ճանապարհը. ազդել ՌԴ մեկնող եւ աշխատող քաղաքացիների վրա:

«Ժողովուրդ» օրաթերթը փորձեց կապել «Ռեդ-Վինգս» ավիաընկերության հետ, սակայն որեւէ պատասխան չկարողացանք ստանալ:

ՔՊ-ում «ինքնամաքրման» գործընթաց է գնում: Նիկոլ Փաշինյանը ընտրություններից առաջ գտնում է թիմը՝ հույս ունենալով, որ սա կբարձրացնի ՔՊ-ի գահավիժող վարկանիշը: «Ժողովուրդ» օրաթերթի տեղեկություններով՝ Նիկոլ Փաշինյանը ՔՊ վերնախաւին հրահանգել է մաքրել թիմը եւ կուսակցությունից վտարել նրանց, ովքեր այս կամ այն կերպ սկանդալի կենտրոնում են հայտնվել, չեն ենթարկվում կանոններին ու վարկաբեկում են թիմը՝ իրենց խոցելի դարձնելով: Ուստի ՔՊ-ականներից ոմանց համար ճամպուրկային տրամադրություններ են սպասում են «վերելների» հրահանգին: Ընդ որում, Փաշինյանի թիրախում են ինչպես շարքային ՔՊ-ականները՝ այնպես էլ ՔՊ-ի էլիտայի անդամները: Ընդ որում, չի բացառվում, որ ոմանք, չսպասելով «շեֆի» հրահանգին, Գնել Սարգսյանի օրինակով «ինքնամաքրվեն» ՔՊ-ից: Թեեւ մյուս կողմից ՔՊ-ում խոսում են, որ Նիկոլ Փաշինյանի՝ այսպես ասած օդիոզ (խիստ անցանկալի) դեմքերից ազատվելու պատճառը նաեւ այն է, որ քարոզչական դաշտում ՔՊ-ից պոկված արբանյակ կերպարները հանրային դաշտում հայիոյախառն դրսեւորումներ ցուցաբերեն՝ ՔՊ-ն նրանց համար պատասխանատվություն չկրի:



Հաջորդ շաբաթ խորհրդարանը այս տարվա վերջին հերթական նստաշրջանը կիրավորի: Դեկտեմբերի 3-ին մեկնարկող քառօրյա ընթացքում ՔՊ-ականները պետք է ԲԴԻ անդամ ընտրեն, որի համար առաջադրել են ՔՊ-ական փաստաբան Ալեքսանդր Սիրունյանին, ով հայտնի է արցախատյաց եւ ընդդիմադիրների հասցեին ուղղված ոչ կոռեկտ գրառումներով: Իհարկե, «ժրջան» ՔՊ-ականները հերթական նստաշրջանից հետո մտադիր չեն գնալ հանգստի. մինչեւ տարեմուտ դեռ արտահերթ նիստեր կանեն, օրենսդրական նոր նախաձեռնություններով հանդես կգան, կիսատ աշխատանքներն ավարտին կհասցնեն եւ նոր կմեկնեն ամառային արձակուրդի՝ վայելելու պարգեւավճարները:



«Ժողովուրդ» օրաթերթը գրում է. ««Ժողովուրդ» օրաթերթի տեղեկությունների համաձայն՝ նախաքննական մարմինը, ի դեմս ՀՀ քննչական կոմիտեի, պատրաստվում է առաջիկայում գործողություններ իրականացնել ԱԺ նախկին պատգամավոր Ռուստամ Գասպարյանի եղբոր՝ իշխանության յուրացման փորձի համար կալանքի տակ գտնվող Սերոբ Գասպարյանի մասով: Ինչպես հայտնի է, օրերս նրա կալանքի տակ գտնվելու ժամկետը երարածվեց մեկ ամսով: «Դատարանն իր որոշման մեջ արձանագրել է, որ թեեւ սույն փուլում շարունակում է առկա լինել հիմնավոր կասկած առ այն, որ Սերոբ Գասպարյանը, հնարավոր է, առնչություն ունի իրեն վերագրվող արարքի հետ, սակայն դատարանը փաստել է նաեւ, որ այս անգամ քննիչը չի ներկայացրել լրացուցիչ տեղեկություններ՝ Սերոբ Գասպարյանի արարքում իշխանությունը յուրացնելու նպատակի առկայության մասին: Ավելին՝ դատարանը նշել է, որ քննիչի կողմից ներկայացված լրացուցիչ փաստերը նվազեցրել են հիմնավոր կասկածի շեմը՝ միեւնույն ժամանակ արձանագրելով, որ ներկա փուլում Սերոբ Գասպարյանի հնարավոր առնչությունն իրեն մեղսագրված արարքին հավաստող տվյալները, առանց այլ տվյալներով ամրապնդման, գործի քննության հետագա փուլերում կարող են բավարար չլինել», - նշել էին նրա փաստաբանները: Հիշեցնենք, որ Հայաստանի Հանրապետության Ազգային անվտանգության ծառայության կողմից տեղեկություններ են ստացվել՝ մի խումբ անձանց կողմից, նախնական համաձայնությամբ, իշխանությունը յուրացնելու նախապատրաստություն կատարելու մասին: ՀՀ քննչական կոմիտեի պետության, սահմանադրական կարգի հիմունքների եւ հասարակական անվտանգության դեմ ուղղված հանցագործությունների քննության գլխավոր վարչությունում նախաձեռնվել է քրեական վարույթ: Հարցաքննությունների արդյունքում՝ բավարար փաստական տվյալներ են ստացվել այն մասին, որ ՀՀ քաղաքացիներ Ա.Գ.-ն, որը ԱԺ նախկին պատգամավորի եղբայրն է, Ա.Ե.-ն, Ա.Բ.-ն, Ե.Ս.-ն, Ա.Ս.-ն, ինչպես նաեւ Լեռնային Ղարաբաղի նախկին բնակիչներ Ա.Մ.-ն Ա.Ս.-ն, ինքնությունները դեռեւս չպարզաբանված այլ անձանց հետ նախնական համաձայնությամբ, խմբի կազմում, կատարել են իշխանությունը յուրացնելու նախապատրաստություն, այն է՝ դիտավորությամբ ստեղծել են Հայաստանի Հանրապետության իշխանությունը զավթելու՝ բռնություն գործադրելու եւ բռնություն գործադրելու սպառնալիքի միջոցով ՀՀ կառավարության լիազորություններին տիրանալու պայմաններ:





Էջը՝ ԱԼԿԱՐԴ ԿՈՇԿԱԿԱՐՅԱՆԻ

ԿԱՐԳ

ՀԱՐՑ. Ես ուզում եմ իմանալ՝ ինչո՞ւ է զարգանում մեր ծառայողական բնութեան կողմերը:

Վազգեն Սաֆարյան (38 տարեկան)



ՊԱՏԱՍԽԱՆ. Հայտնում ենք, որ ծառայողական քննության կողմը պարտավոր է՝

- ա) ծառայողական քննություն վարողի պահանջով ներկայանալ քննության կատարման վայր ել տալ բացատրություններ (լրացուցիչ բացատրություններ), մասնակցել այլ անհրաժեշտ գործողությունների եւ ստորագրությամբ հաստատել դրանց կապակցությամբ կազմված արձանագրությունների (տեղեկանքների) ճշտությունը, իսկ չստորագրելու դեպքում՝ ներկայացնել գրավոր պատճառաբանություն,
- բ) ծառայողական քննություն վարողի պահանջով ներկայացնել քննության համար անհրաժեշտ իր մոտ եղած առարկաները եւ փաստաթղթերը,
- գ) ենթարկվել ծառայողական քննություն վարողի՝ ծառայողական քննություն անցկացնելու կարգով սահմանված պահանջներին:

Հայաստանի Հանրապետության քաղաքացիական ծառայության խորհուրդ.

«ԺՈՂՈՎՈՒՐԳ». Ծառայողական քննության ընթացքում ծառայողական քննության կողմերն ունեն նաեւ իրավական ակտերով, ինչպես նաեւ ծառայողական քննություն անցկացնելու կարգով իրենց վերապահված այլ պարտականություններ:

ՍՈՑԻԱԼԱԿԱՆ

ՀԱՐՑ. Խնդրում եմ ասել՝ եթե կենսաթոշակառուներն փոխում է բնակության վայրը, ապա ինչո՞ւ է վճարվում նրա կենսաթոշակը:

Գրետա Հարությունյան (71 տարեկան)



ՊԱՏԱՍԽԱՆ. Գ. Հարությունյանի հարցին ի պատասխան՝ տեղեկացնում ենք, որ եթե կենսաթոշակառուներն փոխում է բնակության վայրը, ապա պետք է գրավոր դիմի բնակության նոր վայրի կենսաթոշակ նշանակող ստորաբաժնում: Բնակության նոր վայրի կենսաթոշակ նշանակող ստորաբաժնումը նախկին բնակության վայրի կենսաթոշակ նշանակող ստորաբաժնումից գրավոր պահանջում է կենսաթոշակի գործը եւ այն ստանալուց հետո շարունակում վճարել կենսաթոշակը:


Կենսաթոշակ վճարելը վերսկսվում է կենսաթոշակառուի նախկին բնակության վայրում կենսաթոշակի վճարումը դադարեցնելու օրվանից:

Կենսաթոշակային համակարգի իրազեկման կենտրոն

«ԺՈՂՈՎՈՒՐԳ». Ավելացնենք, որ եթե կենսաթոշակը վճարելը դադարեցվել է, չվճարված կենսաթոշակի գումարը վճարվում է դիմելու կամ կենսաթոշակ վճարելը վերսկսելու համար հիմք համարվող տեղեկատվությունը ստացվելու ամսվան նախորդող մեկ տարվա այն ժամանակահատվածի համար, որի ընթացքում անձը կենսաթոշակ ստանալու իրավունք է ունեցել: Ի դեպ, չվճարված կենսաթոշակի գումարը վճարվում է միանվագ:

ԼՈՒՐ ԿԱՐԴ

Լուսանկարը՝ համացանցից



«Բերդ» պարային անսամբլը համերգային շրջագայությամբ Ֆրանսիայում է: Անսամբլի ելույթները մի առանձնակի ջերմությամբ ու ոգետությամբ են ընդունվում հանդիսատեսի կողմից՝ հայկական մշակույթի տարածման ու հանրահռչակման յուրահատուկ գործոն դառնալով:

ԲԱԺՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայկուստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդախտաբանաբար ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



| | | | |
|-----------------------|-------------------|-----------------------|--------------------|
| Շիրակ | -5 - 9 -1 + 2 | Արարատ | 0 - 4 +6 + 8 |
| Կոտայքի լեռներ | -6 - 8 -1 + 1 | Արմավիր | -1 - 5 +5 + 7 |
| Կոտայքի նախալեռներ | -3 - 5 +3 + 5 | Վայոց ձորի լեռներ | -6 - 10 0 - 2 |
| Գեղարքունիք | -7 - 11 -2 + 1 | Վայոց ձորի նախալեռներ | -1 + 2 +12 + 14 |
| Լոռի | -4 - 8 +1 + 4 | Սյունիքի հովիտներ | 0 + 3 + 8 + 10 |
| Տավուշ | 0 - 4 +3 + 6 | Սյունիքի նախալեռներ | -4 - 8 -1 + 4 |
| Արագածոտնի լեռներ | -6 - 9 0 - 2 | ԼՂՀ | -3 - 7 0 + 6 |
| Արագածոտնի նախալեռներ | -1 - 4 +4 + 7 | Երեւան | 0 - 2 +2 + 4 |

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Արշակունյաց 2, հեռ.՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 28.11.2024
Տպաքանակ՝ 3968

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: